

## SIARAN MEDIA KEMENTERIAN KEWANGAN MALAYSIA

### NILAI PEMBERIAN BANTUAN SARA HIDUP (BSH) 2019



## Pembayaran fasa kedua BSH 2019

melibatkan peruntukan sebanyak RM1.42 bilion dan  
memanfaatkan hampir 3.6 juta

Seperti yang diumumkan oleh Menteri Kewangan, YB Lim Guan Eng, pada 24 Mei 2019 mengenai pembayaran fasa kedua BSH 2019 pada 28 Mei 2019, peruntukan yang terlibat adalah sebanyak RM1.42 Bilion dan memanfaatkan hampir 3.6 juta penerima BSH serta 3.23 juta anak penerima BSH berumur 18 tahun ke bawah kecuali anak OKU yang tidak dihadkan umur mereka. Perincian nilai BSH 2019 yang diterima termasuk anak yang layak adalah seperti berikut:

a) Bantuan Asas BSH 2019:

| Pendapatan Isi Rumah | Bawah RM2,000  | RM2,001 – RM3,000 | RM3,001 – RM4,000 |
|----------------------|----------------|-------------------|-------------------|
| Fasa 1               | RM300          | RM300             | RM300             |
| Fasa 2               | RM300          | RM150             | RM100             |
| Fasa 3               | RM400          | RM300             | RM100             |
| <b>Jumlah</b>        | <b>RM1,000</b> | <b>RM750</b>      | <b>RM550</b>      |

Bagi permohonan baharu yang tidak menerima bayaran fasa pertama sebanyak RM300, bayaran berkenaan akan disekalikan dalam pembayaran fasa 2 mengikut nilai kelayakan kategori BSH 2019.

b) Kadar tambahan sebanyak RM120 bagi setiap orang anak berumur 18 tahun ke bawah (terhad kepada 4 orang anak) kecuali anak OKU yang tidak dihadkan umur mereka adalah seperti berikut:

| Bil. Anak | 0 | 1 | 2 | 3 | 4 |
|-----------|---|---|---|---|---|
|           |   |   |   |   |   |

|                 |   |       |       |       |       |
|-----------------|---|-------|-------|-------|-------|
| <b>BSH 2019</b> | - | RM120 | RM240 | RM360 | RM480 |
|-----------------|---|-------|-------|-------|-------|

Bayaran kadar tambahan ini akan dibuat secara sekaligus pada pembayaran fasa 2 BSH 2019.

Secara ringkasnya, sebagai contoh sekiranya Encik Ali berpendapatan di bawah RM2,000 dan mempunyai 4 orang anak yang layak, beliau akan menerima RM1,480 dengan pembayaran sebanyak RM300 pada fasa pertama (Januari 2019), RM780 pada fasa kedua (Mei 2019) dan RM400 pada fasa ketiga (Ogos 2019). Bayaran BSH ini adalah lebih bersasar apabila turut mengambil kira bilangan anak yang layak dalam sebuah keluarga.

Bagi memastikan program BSH 2019 disasarkan kepada mereka yang benar-benar layak, **tempoh permohonan rayuan akan dibuka mulai 1 Julai 2019 hingga 15 Ogos 2019**. Dengan adanya proses rayuan ini, sebahagian daripada yang tidak layak masih diberi ruang untuk mengemukakan rayuan berserta dokumen yang berkaitan untuk diverifikasi semula oleh LHDNM. Sekiranya terdapat sebarang pertanyaan lanjut, boleh menghubungi talian bebas tol 1-800-88-2747 serta e-mel kepada **bsh@treasury.gov.my**.

## Kementerian Kewangan Malaysia

Putrajaya

28 Mei 2019

**Like** Be the first of your friends to like this.